

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

Sect. I. An Deus, quatenus est suprema & infallibilis veritas reuelans, sit
formale obiectum fidei.

urn:nbn:de:hbz:466:1-38954

CAPVT III.

De obiecto formalis Fidei.

Per obiectum formale Fidei, intelligimus motiu illud, quo intellectus excitatur ad assentendum diuinæ reuelationi. Certum est autem obiectum illud formale ad Deum, ut pote omnis veritatis fontem, ferri debere; cum Fides sit virtus Theologica, quæ Deus ut obiectum suum immediate attingit: sed difficultas est sub qua ratione ad Deum referatur, cuius difficultatis sententia ex dicendis in sectionibus sequentibus penderet.

SECTIO I.

An Deus, quatenus est suprema & infallibilis veritas reuelans, sit formale obiectum Fidei.

Notandum est veritatem hoc loco sumi, non propter transcendentali (ut loquuntur Philosophi) quæ omnibus rebus inest, in quantum veram habent entitatem; sed pro veritate, quæ quis verax est dicendo. Hæc autem veritatis, ut sit perfecta & infallibilis, duo requirit in eo, qui loquitur; 1. talem sapientiam ut perfectè & infallibiliter cognoscat rem, de qua loquitur; ita ut errare aut decipi nullo modo possit. 2. talem beatitudinem, ut neque velit eum fallere, cui loquitur, neque etiam illud velle possit. Hoc prænotato, pro questione propositæ resolutione

Dicendum 1. obiectum formale Fidei, seu ratione formalem, quæ mouetur intellectus ad assentendum, esse supremam & infallibilem Dei veritatem. Ita S. Thomas 2. 2. q. 1. a. 1.

Proba-

Probatur 1. ex Apostolo epist. 1. ad Corinth. c. 2. *Vt Fidei vestra non sit in sapientia hominum, sed in virtute Dei; & epist. 1. ad Thess. cap. 2. Cùm accepissetis à nobis verbum auditum Dei, accepistis illud, non ut verbum hominum, sed (sicus est verè) verbum Dei.*

Probatur 2. ex sanctis Patribus: S. Basili. in serm. de Fidei confessione seu de vera ac pia Fide in Asceticis; *Est, inquit, Fides eorum, qua dicta sunt, assentiens approbatio, sine ulla hæsitatione, cum animi persuasione de veritate eorum, quæ Dei munere sunt prædicta;* & S. Aug. lib. II. de Cœnit. *Vt mens, inquit, in fide fidentius ambuiaret ad veritatem; ipsa veritas Deus, Dei filius, homine assumpto, non Deo consumpto, eamdem constituit ac fundauit Fidem.*

Probatur 3. hæc ratione, quam S. Thomas insinuat loco citato: illud est obiectum formale Fidei, propter quod immediate & formaliter credimus rebus Fidei; at qui non ob aliam formalem & immediatam rationem illis credimus, nisi quia Dei summè & infinitè veracis autoritate & attestatione nituntur: ergo Deus quatenus summè & infinitè verax, seu quatenus suprema & infallibilis veritas, est obiectum formale Fidei. Maior euidentis est; minor probatur exemplo fidei humanae, quæ non alio motu innititur quam veritate attestantis; nec ob aliam rationem credimus alicui, nisi quia veracem arbitramur; & quò magis constat illum esse veracem, eò etiam firmior fides eius attestationi habetur: vnde similiter dicendum est Fidem diuinam diuinâ veritate, tanquam forma i& immediata ratione nitit, quæ perfecta & infallibilis est.

Dicendum 2. actualem reuelationem earum rerum, quæ credendæ sunt, pertinere ad rationem obiecti formalis Fidei.

Probatur 1. ex varijs scripturæ locis, in quibus reuelatio diuinitus facta, ponitur ut basis & fundamentum, cui omnis Fides nostra innititur. S. Matth. cap. 16. *Beatus es Simon Bar Jona: quia caro & sanguis non reuelauit tibi, sed Pa-*

Ter meus, qui in cœlū est : Ad Galat. cap. i. Notum vobis facio Euangeliū, quia non est secundūm hominem : neque enim ego ab homine accepi illud, neque didici, sed per reuelationem Iesu Christi.

Probatur 2. ex S. Athanaf. orat. (quod vñus sit Christus) vbi de fide loquens, Oportet, inquit, in sublimi ratione iſtarum rerum petere, non humi ex sanguine & carne conquirere, sed ex reuelatione diuina & eccl̄isti : & ex S. Iren. lib. 4. cap. 14. Deum scire nemo potest nisi Deo docente.

Probatur 3. hāc ratione: Fides est rerum non apparentium (vt loquitur Apostolus Hebr. ii.) & quæ in cor hominis non ascenderunt; atqui eiusmodi res sublimes minimeque apparentes non possunt aliter credi Fide diuina, quam per reuelationem Dei : Fides enim illa necessariò requirit, vt homo cum firmissimo assensu, qui omnem penitus dubitationem excludat, rebus illis inhæreat; non potest autem, imò nec debet talem assensum præbere, nisi certò sciat Deum esse, qui res illas reuelauit; vbi enim supponit verè Deum illas reuelasse, statim videt se debere firmiter & citra omnem dubitationem assentiri; cùm Deus, nec falli, nec fallere possit.

Obijcies, constare ex Euangelio multos credidisse in Christum, non propter reuelationem primæ & infallibilis veritatis, sed propter miracula ipsius Christi. Respondeatur miraculorum patrationem, non fuisse propriè loquendo motuum formale & immediatum, quo fides illorum supernaturalis innixa est; sed fuisse tantum rationem inductuam ad hoc, vt agnoscerent diuinæ veritati esse credendum. Quod vt facilius intelligatur, notandum est, obiectum a iquod materiale Fidei supernaturalis posse duabus modis fieri credibile; 1. per miracula, & alia similia motiva (de quibus infrà) quæ id tantum euincunt, vt per illa homo agnoscat tale obiectum prudenter credi posse; 2. per reueationem primæ & infallibilis veritatis, quæ, vt talis cognita, facilit hominem firmissimè, & citra omnem dubitationem illud credere.

Vnde duplex formari potest iudicium intellectus circa tale

tale obiectum; 1. quo iudicat tale obiectum prudenter, & cum maxima ratione credi posse; 2. quo iudicat ilud esse infalibiliter verum ob diuinam reuelationem, & sic firmissime ac indubitanter credi debere; ex quibus primum est naturale, nec pertinet propriè ad rationem Fidei; secundum vero, est verus ac proprius Fidei supernaturalis actus, soli veritati diuinæ reuelanti innixus.

SECTIO II.

An reuelatio diuina, ut sit formale obiectum Fidei, debet esse obscura & ineuidens.

Debet modis potest diuina reuelatio esse obscura seu ineuidens: 1. ex parte rei reuelatae; quando ipsa non repræsentatur per reuelationem euidenter intellectui: 2. ex parte Dei reuelantis; quando non constat euidenter ipsam reuelationem esse à Deo. Est ergo quaestio, an utroque modo reuelatio debet esse obscura: pro cuius resolutione

Dicendum 1. reuelationem diuinam, quatenus est obiectum formale Fidei, debet esse obscuram & incidentem ex parte rei reuelatae.

Probatur 1. ex Apostolo ad Hebr. 11. *Fides est argumentum non apparentium, & epist. 1. ad Corinth. cap. 13. loquens de cognitione, quam nunc habemus per fidem, & comparans illam cum visione beatifica; Videntur, inquit, nunc per speculum in enigmate: tunc autem facie ad faciem.*

Probatur 2. ex S. Aug. tract. 4. in Ioann. *Quid est Fides nisi credere, quod non vides; & S. Chrysost. hom. 22. in epist. ad Heb. *Fides est aspectus eorum, que non sunt manifesta.**

Probatur 3. ex eo, quod experientia ipsa constat, nos nullam euidentiam propriè dictam habere de mysterijs, quae per fidem credimus; & si aliqua sit ipsius Fidei veritas, quam euidenter agnoscamus, prout ita cognoscitur, ad fidem non pertinet, sed ad aliquid aliud genus cognitionis.